



mutaxassislarining shaxsiy professional xususiyatlarini shakllantirishga ko'maklashish.

## **6. Talaba-yoshlarni ilmiy faoliyatga jalb qilish sektorining asosiy vazifalari:**

- 6.1. Universitetdagi iqtidorli va tashabbuskor yoshlar bo'yicha yagona ma'lumotlar bazasini shakllantirish va muntazam yangilab borish hamda ularni mamlakatning yetakchi olimlari va ishbilarmonlari bilan hamkorligini ta'minlash;
- 6.2. Iqtidorli talabalarni intellektual salohiyatini aniqlab borish;
- 6.3. Iqtidorli talabalarni qobiliyati va qanday yo'nalishga moyilligiga qarab maqsadli tayyorlashni tashkil etish;
- 6.4. Innovatsion loyihalarini rivojlantirish va qo'llab-quvvatlash, ilmiy-innovatsion akselerator va biznes-inkubatorlarni tashkil etish asosida tashabbuskor yoshlarni tadbirkorlik faoliyatiga yo'naltirish;
- 6.5. Iqtidorli yoshlarni rivojlangan xorijiy mamlakatlarning nufuzli ilmiy markazlari, universitetlari, texnoparklari va ishlab chiqarish korxonalarida malaka oshirishlariga ko'maklashish;
- 6.6. Universitetda tegishli soha yo'nalishlari bo'yicha yangi avlod ilm-fan jamoalari va maktablarini shakllantirish;
- 6.7. Ilm-fan sohasida o'z o'rnini topib borayotgan, kelajakda mamlakat ilm-fani nufuziga o'z hissasini qo'sha oladigan bo'lajak akademiklar jamoalarini shakllantirib borish;
- 6.8. Talabalarning ilmiy-tadqiqot ishlarini amalga oshirishning turli usullari, yo'nalishlari va ko'nikmalarining o'zlashtirishlariga sharoit yaratish;
- 6.9. Talabalarning ilmiy-tadqiqot faoliyatida ishtirok etishi orqali o'quv materiallarini chuqurroq o'zlashtirishga ko'maklashish va ularning ushbu jarayonga ijodiy yondashuvini kuchaytirish;
- 6.10. Iqtidorli talabalarni Respublika va xalqaro fan olimpiadalarida, davlat stipendiyalari hamda davlat mukofotlari tanlovlarida faol ishtirokini ta'minlash;
- 6.11. Talabalarning ilmiy muammolarni mustaqil hal qilish usullarini o'rganishi va ularning ilmiy jamoalarda ishlash qobiliyatini shakllantirish;
- 6.12. Talabalarni universitetda bajariladigan ilmiy tadqiqot loyihalariga keng jalb qilish;
- 6.13. Oliy o'quv yurtidan keyingi ta'lim bosqichlariga qobiliyatli yoshlarni tanlash bo'yicha ishlarni tashkil etishda sifat va samaraga erishishga ko'maklashish.
- 6.14. Iqtidorli talabalarning ilmiy-ijodiy to'garaklarini tashkil etish va ilmiy-ijodiy izlanishlarga tegishli shart-sharoit yaratib berish;
- 6.15. Yoshlar akademiyasi liderlari saylovini Yoshlar bilan ishlash, ma'naviyat va ma'rifat bo'limi hamkorligida tashkil etish va ular faoliyat olib borishiga ko'mak berish;
- 6.16. Talabalarni ta'lim yo'nalishiga mos startup loyihasini hamda ratsionalizatorlik g'oyasini bitiruv malakaviy ishi va magistrlik dissertatsiyasi sifatida himoya qilishga keng jalb qilish;
- 6.17. Iqtidorli talabalarning ilmiy faoliyati natijalari, erishgan yutuqlari va amalga oshirgan ishlari yuzasidan OAV, universitet saytlari va ijtimoiy tarmoqlarda keng yoritib borish;

7. Yuqorida keltirilgan vazifalarni samarali amalga oshirishga universitetda faoliyat yuritayotgan barcha prorektorlar, fakultet dekanlari va kafedra mudirlari mas'ul hisoblanadi.

8. Iqtidorli talabalar bilan ishlashni tashkil etish va ularni maqsadli tayyorlash yuzasidan talaba-yoshlarni ilmiy faoliyatga jalb qilish sektorida quyidagi ish yuritish hujjatlarini olib borish tavsiya etiladi:

- Iqtidorli talabalar bilan ishlash Nizomi;
- Iqtidorli talabalar bilan ishlash ish rejasi (dasturi);
- Ish rejasi (dastur)ning bajarilishi to'g'risida hisobotlar;
- Yoshlar akademiyasi tomonidan belgilab berilgan chora-tadbirlar hamdategishli yo'nalishlar bo'yicha dasturlar;
- Iqtidorli talabalarga oid oliy o'quv yurti rahbarlarining buyruqlari;
- Konferensiya, olimpiada, tanlovlar o'tkazilishiga oid hujjatlar;
- O'zbekiston Respublikasining Prezidenti nomidagi Davlat stipendiyasi va nomli Davlat stipendiyalariga oid hujjatlar;
- Iqtidorli talabalarni izlash va ularni maqsadli tayyorlash to'g'risidagi yuqori boshqaruv organlarining qarorlari va buyruqlari;
- Iqtidorli talabalar qatnashadigan to'garaklarning dasturlari, ish rejalari;
- Iqtidorli talabalar va ularning ilmiy rahbarlari haqida ma'lumotlar;
- Yoshlar akademiyasi liderlarining faoliyatini aks ettiruvchi hujjatlar.

### **III. Iqtidorli talabalarning ilmiy-tadqiqot ishlari va faoliyatini tashkil etish va boshqarish**

9. Universitetdagi talabalarning ilmiy-tadqiqot ishlari va faoliyatini tashkil etish va boshqarish Ilmiy ishlar va innovatsiyalar bo'yicha prorektor zimmasiga yuklanadi. Talabalar ilmiy-tadqiqot faoliyatga keng jalb qilish hamda qo'llab-quvvatlash ishlarini tashkil etish talaba-yoshlarni ilmiy faoliyatga jalb qilish sektori olib boradi. Mazkur tuzilmadagi ilmiy-tadqiqot ishlarini tashkil etish va boshqarish, ularning samaradorligiga mazkur tuzilma mas'ul xodimlari javobgar hisoblanadi. Ushbu tuzilmaning har biri o'zining funksional vazifalaridan kelib chiqqan holda talabalar ilmiy faoliyatini amalga oshirish ishlarida ishtirok etadi.

10. Talabalarning ilmiy-tadqiqot ishlarini tashkil etish ularning universitet doirasida, respublika va xalqaro miqyosida amalga oshiriladigan ilmiy seminarlar, konferensiyalar, davra suhbatlari, olimpiadalar, tanlovlarda ishtirok etishini ta'minlashni nazarda tutadi.

11. Talabalarning ilmiy-tadqiqot ishlarini va faoliyatini bevosita ro'yobga chiqaradigan asosiy bo'g'in kafedra hisoblanadi. Kafedraning professor-o'qituvchilari talabalar tomonidan tayyorlangan ilmiy maqolalarni ko'rib chiqadi va chop etish uchun tavsiya etadi.

12. Kafedralar universitet ilmiy yo'nalishdagi faoliyatni rivojlantirish maqsadida ilmiy-tadqiqot ishlari va faoliyati bilan shug'ullanuvchi har bir talabaning ilmiy sohada o'z qobiliyatini ko'rsatishiga imkoniyat yaratadi.

13. Kafedralar qoshidagi ilmiy to'garaklar talabalarni mazkur nizomda

belgilangan maqsadlarga erishish hamda tegishli fanlar bo'yicha olimpiadalar va turli xil tanlovlarda ishtirok etishi uchun tayyorlaydi.

14. Kafedrada amalga oshirilayotgan talabalarning ilmiy-tadqiqot ishlariga va faoliyatiga oid ko'rsatkichlar kafedra va uning professor-o'qituvchilari faoliyatiga baho berishda inobatga olinadi. Mazkur ko'rsatkichlar kafedralarning hisobotlarida aks ettiriladi.

#### **IV. Talaba-yoshlarni ilmiy faoliyatga jalb qilish sektori boshlig'i va xodimlarining huquqlari va majburiyatlari**

15. talaba-yoshlarni ilmiy faoliyatga jalb qilish sektori boshlig'i va xodimlarining quyidagi huquq va majburiyatga ega:

15.1. Tasdiqlangan reja asosida iqtidorli talabalar bilan ilmiy-tadqiqot ishlari olib borish.

15.2. Iqtidorli talabalarni aniqlash ularni O'zbekiston Respublikasi Prezidenti hamda nomli stipendiyalar va turli xil tanlovlarda ishtirok etishga tayyorlash bilan bog'liq bo'lgan tadbirlarni tashkil etish.

15.3. Talabalarni ilmiy-tadqiqot ishlarini bajarishga yo'llash va ular tomonidan amalga oshirilayotgan ilmiy-tadqiqot ishlarini bajarilishini muvofiqlashtirish.

15.4. Iqtidorli talabalarning ilmiy-tadqiqot ishlarini tashkil qilish masalalari yuzasidan fakultet dekanlari va kafedra mudirlari tomonidan bajarilgan ishlarni tahlil qilish va tavsiyalar berish;

15.5. Professor-o'qituvchilarning yillik o'quv yuklamalaridagi "ilmiy-tadqiqot ishlari" sohasiga tegishli bandda iqtidorli talabalar bilan ishlashga tavsiyalar berish.

15.6. Har semestr yakunida fakultetlar va kafedralarning iqtidorli talabalar bilan mas'ul shaxslarning olib borgan ishlari yuzasidan bo'limga hisobot berishlarni ta'minlash.

15.7. Iqtidorli talabalarning respublika va xalqaro miqyosda o'tkaziladigan seminar, ko'rgazma va ilmiy anjumanlarda ishtirok etishlariga tayyorlash.

15.8. Talaba-yoshlarni ilmiy faoliyatga jalb qilish sektorining o'quv yili ish rejasini ishlab chiqish va tasdiqqa kiritish.

15.9. Talaba-yoshlarni ilmiy faoliyatga jalb qilish sektoriga qo'yilgan vazifalardan kelib chiqib, uni rivojlantirishga qaratilgan dasturlar, loyihalarni ishlab chiqish va amalga oshirishgayo'naltirilgan faoliyatni amalga oshirish;

15.10. O'z vakolati doirasida, bo'limning barcha xodimlari, talabalarlari uchun majburiy bo'lgan farmoyish, yo'riqnoma va ko'rsatmalarni ishlab chiqarish.

15.11. Universitet rahbariyatiga va kengashiga talaba-yoshlarni ilmiy faoliyatga jalb qilish sektori faoliyatini takomillashtirish bo'yicha takliflar kiritish.

15.12. Bo'lim boshlig'i Iqtidorli talabalarda ijodiy va ilmiy muhitni yaratish uchun shaxsan mas'ul hisoblanadi.

15.13. Universitet kengashi majlislarida, fakultet va kafedralarda talaba-yoshlarni ilmiy faoliyatga jalb qilish sektori manfaatlarini o'z vakolati doirasida himoya qilish va amalga oshirish.

## **V. Iqtidorli talabalarning ilmiy-tadqiqot faoliyatini moliyaviyva moddiy-texnik jihatdan ta'minlash**

16. Talabalarning ilmiy-tadqiqot faoliyatini rivojlantirish va qo'llab-quvvatlashga qaratilgan tadbirlar va tanlovlar universitet mablag'lari, shuningdek, homiylik mablag'lari hisobidan moliyalashtiriladi.

17. Universitet tomonidan talaba-yoshlarni ilmiy faoliyatga jalb qilish sektoriga alohida xona, ish stoli va stullar, javonlar, kompyuterlar jamlanmasi, printer, proyektor, ekran, raqamli fotoapparat hamda zaruriy devonxona mahsulotlari bilan ta'minlanadi.

18. Talaba-yoshlarni ilmiy faoliyatga jalb qilish sektorida faoliyat yurituvchi xodimlar ularni faoliyatini natijadorligi va samaradorligini inobatga oligan holda ular universitet mablag'lari hisobidan rag'batlantirib boriladi.

## **VI. Yakuniy qoida**

19. Mazkur Nizomga tegishli o'zgartirish va qo'shimchalar kiritish rektor buyrug'iga asosan amalga oshiriladi.

20. Ushbu Nizom talablari buzilishida aybdor bo'lgan shaxslar qonun hujjatlarida belgilangan tartibda javobgar bo'ladilar.